

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԳՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք. Երևան

15 դեկտեմբերի, 2022թ.

Հայաստանի Հանրապետության բարձր տեխնոլոգիական արդյունաբերության նախարարությունը, ի դեմս նախարարության գլխավոր քարտուղար Նարեկ Մելքումյանի (այսուհետ՝ նախարարություն), որը գործում է նախարարության կանոնադրության հիման վրա, մի կողմից, և «ՓԻԼԱԲՍ» սահմանափակ պատասխանատվությամբ ընկերությունը, ի դեմս տնօրեն Էլմիրա Բարթելսի (այսուհետ՝ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության բարձր տեխնոլոգիական արդյունաբերության նախարարի 2022 թվականի փետրվարի 1-ի «11009 Ձեռնբեռնության տեխնոլոգիական էկոհամակարգ» միջոցառման ծրագիրը և ծրագրի 2022 թվականի ֆինանսական միջոցների բաշխվածությունը հաստատելու մասին» N 95-Ա հրամանը (այսուհետ՝ հրաման), «Puzl-AI սուպերմարկետների լուծում» ծրագրի (այսուհետ՝ ծրագիր) իրականացումն ապահովելու նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

**1. Պայմանագրի առարկան և գինը**

1.1. Սույն պայմանագրով նախարարությունը պարտավորվում է ծրագրի իրականացման նպատակով պայմանագրի 5-րդ կետով սահմանված կարգով կազմակերպությանը հատկացնել հրամանով նախատեսված գումարից՝ 10,000,000 (տասը միլիոն) (ներառյալ՝ հարկերը) ՀՀ դրամ, իսկ կազմակերպությունը պարտավորվում է ծրագիրն իրականացնել հրամանով և սույն պայմանագրով սահմանված կարգով:

1.2. Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են սույն պայմանագրի հավելված 1-ում:

**2. Կողմերի իրավունքները և պարտավորությունները**

**2.1 Նախարարությունն իրավունք ունի՝**

2.1.1 ցանկացած ժամանակ ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը.

2.1.2 ծրագրով և սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.2 կետով նախատեսված տուգանքը.

2.1.3 առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. Կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ՝ պայմանագրով սահմանված կարգով և ժամկետներում չի իրականացվելու,

բ. Կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),

գ. Իրականացված միջոցառումները չեն համապատասխանում ծրագրով և սույն պայմանագրով սահմանված պահանջներին.

2.1.4 սույն պայմանագիրը ՀՀ օրենսդրությամբ կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

**2.2 Կազմակերպությունն իրավունք ունի՝**

2.2.1 իրականացված միջոցառման արդյունքը նախարարության կողմից ընդունվելու դեպքում պահանջելու վճարել իրեն հասանելիք գումարը՝ պայմանագրի 5-րդ կետում սահմանված կարգով և ժամկետներում.

2.2.2 նախարարության կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները:

**2.3 Նախարարությունը պարտավոր է՝**

2.3.1 ծրագրով նախատեսված դեպքերում աջակցել կազմակերպությանը.

2.3.2 կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ:

2.3.3 իրականացնել ծրագրով նախատեսված այլ աշխատանքներ:

2.3.4 իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել պայմանագրի 4.2 կետում նշված ժամկետում: Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և սույն պայմանագրի պահանջներին, ապա դրանք ընդունվում են:

#### **2.4 Կազմակերպությունը պարտավոր է՝**

2.4.1 իրականացնել ծրագրի շրջանակներում նախարարության կողմից տրամադրված գումարների՝ Հայաստանի Հանրապետության հաշվապահական հաշվառման N 20 ստանդարտի դրույթներին համապատասխան և առանձնացված հաշվառում:

2.4.2 պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով:

2.4.3 կատարել նախարարության կողմից բացահայտված թերությունների վերացման նպատակով տրված ցուցումները:

2.4.4 սույն պայմանագրով սահմանված կարգով նախարարություն ներկայացնել միջոցառումների իրականացման մասին հաշվետվություններ, իսկ ծրագրի ավարտից հետո՝ ամփոփ հաշվետվություն:

2.4.5 սույն պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու նախարարության հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում:

2.4.6 նախարարության կողմից առանձին միջոցառումների իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար՝ նախարարության կողմից սահմանված ողջամիտ ժամկետում վերացնել արձանագրված անհամապատասխանությունները:

2.4.7 ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:

2.4.8 Պայմանագրով սահմանված միջոցառումների տարեկան արդյունքները թերակատարելու դեպքում, դրա արդյունքում առաջացած գումարները վերադարձնել ՀՀ պետական բյուջե՝ մինչև տվյալ բյուջետային տարվա նախավերջին աշխատանքային օրը:

2.4.9 Դրամաշնորհի շրջանակներում ստացված դրամական միջոցները բաշխել առանձնացված բանկային հաշվի (հաշվեհամարի) միջոցով:

2.4.10 Ապահովել պատշաճ մասնակցություն նախարարության կողմից «Գաղափարի փուլում գտնվող պրոդուկտների համար» դրամաշնորհային մրցույթի հաղթող ընտրությունների համար նախատեսված ինկուբացիոն բնույթի կրթական դասընթացներին:

### **3. Մոնիթորինգը**

3.1. Նախարարությունը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:

3.2. Մոնիթորինգն իրականացվում է նախարարության և (կամ) նրա կողմից լիազորված անձի կողմից:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

3.4. Նախարարությունը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

3.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

### **4. Պայմանագրի արդյունքի հանձնման և ընդունման կարգը**

4.1. Պայմանագրի արդյունքն ընդունվում է նախարարության և կազմակերպության միջև հանձնման-ընդունման ակտի ստորագրմամբ:

Մինչև պայմանագրով ստանձնված պարտավորությունների կատարման համար նախատեսված օրը ներառյալ կազմակերպությունը armeps էլեկտրոնային համակարգի միջոցով (գործողության իրականացման ձեռնարկը տեղադրված է [www.minfin.am](http://www.minfin.am) հասցեով գործող կայքի «Դրամաշնորհներ» բաժնի «Ուղեցույցներ,

ձեռնարկներ» ենթաբաժնում) նախարարությանն է տրամադրում իր կողմից ստորագրված հանձնման-ընդունման ակտը (հավելված 4) և հաշվետվությունը: Ընդ որում, կազմակերպությունը հանձնման-ընդունման ակտը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին:

4.2. Եթե իրականացված միջոցառումը համապատասխանում է պայմանագրի պայմաններին, նախարարությունը պայմանագրի 4.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 10 (տասը) աշխատանքային օրվա ընթացքում ստորագրում և armeps էլեկտրոնային համակարգի միջոցով կազմակերպությանն է տրամադրում իր կողմից ստորագրված հանձնման-ընդունման ակտը:

4.3. Եթե իրականացված միջոցառումը կամ դրա մի մասը չի համապատասխանում պայմանագրի պայմաններին, ապա նախարարությունը չի ստորագրում հանձնման-ընդունման ակտը և պայմանագրի 4.2 կետում նշված ժամկետում armeps էլեկտրոնային համակարգի միջոցով կազմակերպությանը հետ է վերադարձնում հանձնման-ընդունման ակտը՝ նշելով դրա չստորագրման համար հիմք հանդիսացած անհամապատասխանությունը: Սույն կետի կիրառման դեպքում նախարարությունը ձեռնարկում է նման իրավիճակի համար պայմանագրով նախատեսված միջոցները և կազմակերպության նկատմամբ կիրառում է պայմանագրով նախատեսված պատասխանատվության միջոցներ:

4.4. Եթե պայմանագրի 4.2 կետով սահմանված ժամկետում նախարարությունը չի ընդունում պայմանագրի 4.1 կետում նշված փաստաթղթերը կամ չի մերժում դրա ընդունումը, ապա իրականացված միջոցառումը համարվում է ընդունված և պայմանագրի 4.2 կետով սահմանված վերջնաժամկետին հաջորդող աշխատանքային օրը նախարարությունը armeps էլեկտրոնային համակարգի միջոցով կազմակերպությանն է տրամադրում իր կողմից ստորագրված հանձնման-ընդունման ակտը:

## 5. Վճարման կարգը և ժամկետները

5.1. Նախարարությունը սույն պայմանագրի 1.1 կետում նշված գումարի 75 (յոթանասունհինգ) տոկոսը՝ 7,500,000 (յոթ միլիոն հինգ հարյուր հազար) ՀՀ դրամը պայմանագիրն ուժի մեջ մտնելուց հետո 10 աշխատանքային օրվա ընթացքում փոխանցում է կազմակերպության բանկային հաշվին՝ որպես կանխավճար: Կանխավճարի մարումն իրականացվում է հանձնման-ընդունման ակտերի հիման վրա կատարվող վճարումներից նվազեցումներ (պահումներ) կատարելու ձևով:

5.2. Կազմակերպությանը մնացած վճարումները կատարվում են սույն պայմանագրով սահմանված ամփոփիչ հաշվետվություններն ընդունելուց, նախարարության և կազմակերպության միջև պայմանագրի արդյունքն ընդունելու վերաբերյալ հանձնման-ընդունման ակտը ստորագրելուց հետո 10 աշխատանքային օրվա ընթացքում: Եթե պայմանագրի արդյունքն ընդունելու վերաբերյալ հանձնման-ընդունման ակտը ստորագրվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև 2023 թվականի սեպտեմբերի 30-ը:

## 6. Կողմերի պատասխանատվությունը

6.1. Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2. Պայմանագրի հավելված 1-ում նշված ծրագրին չհամապատասխանող պարտավորություն իրականացնելու յուրաքանչյուր դեպքում կազմակերպությունից գանձվում է տուգանք՝ պայմանագրի 1.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում՝ տուգանքը հաշվարկվում է նաև պայմանագիրը սահմանված ժամկետներում կատարելու, սակայն նախարարության կողմից չընդունվելու, ինչպես նաև հաշվետվությունները պայմանագրով սահմանված ժամկետներում չներկայացնելու դեպքերում:

6.3. Պայմանագրով նախատեսված ծրագրի կատարման ժամկետը խախտելու դեպքում կազմակերպությունից յուրաքանչյուր ուշացված աշխատանքային օրվա համար գանձվում է տույժ՝ պայմանագրի 1.1 կետում նախատեսված գումարի 0,05 (զրո ամբողջ հինգ հարյուրերորդական) տոկոսի չափով:

6.4. Պայմանագրի 6.2 և 6.3 կետերով նախատեսված տուգանքը և տույժը հաշվարկվում և հաշվանցվում են միջոցառման իրականացման արդյունքում կազմակերպությանը վճարման ենթակա գումարների հետ: Տույժը հաշվարկվում է աշխատանքային օրերով՝ պայմանագրի չկատարված մասի գնի նկատմամբ:

6.5. Նախարարության կողմից պայմանագրի 4.1 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

6.6. Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

6.7. Տույժի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

## 7. Պայմանագրի գործողության ժամկետը

7.1. Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների՝ ամբողջ ծավալով կատարումը: Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

## 8. Անհաղթահարելի ուժի ազդեցությունը (ՖՈՐՍ-ՄԱՃՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, Նախարարությունների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

## 9. Եզրափակիչ դրույթներ

9.1. ՀՀ օրենսդրությամբ սահմանված կարգով հաստատված դրամաշնորհային ծրագիրը հանդիսանում է սույն պայմանագրի անբաժանելի մասը (հավելված 5):

9.2. այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ մրցույթի գործընթացում, մինչև պայմանագրի կնքումը, պայմանագրի կողմը ներկայացրել է կեղծ փաստաթղթեր (տեղեկություններ և տվյալներ), կամ վերջինիս հաղթող կազմակերպություն ճանաչելու մասին որոշումը չի համապատասխանում սույն կարգի պահանջներին, ապա այդ հիմքերն ի հայտ գալուց հետո նախարարությունը միակողմանիորեն լուծում է պայմանագիրը, եթե արձանագրված խախտումները, մինչև պայմանագրի կնքումը հայտնի լինելու դեպքում, Հայաստանի Հանրապետության օրենսդրության համաձայն, հիմք կհանդիսանային պայմանագիրը չկնքելու համար: Ընդ որում՝ նախարարությունը չի կրում պայմանագրի միակողմանի լուծման հետևանքով պայմանագրի կողմի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով նախարարության կրած վնասներն այն ծավալով, որի մասով պայմանագիրը լուծվել է:

9.3. Եթե պայմանագիրն իրականացվում է համատեղ գործունեության (կոնսորցիումի) պայմանագիր կնքելու միջոցով, ապա այդ պայմանագրի մասնակիցները կրում են համատեղ և համապարտ պատասխանատվություն: Ընդ որում, կոնսորցիումի անդամի կոնսորցիումից դուրս գալու դեպքում պայմանագիրը միակողմանիորեն լուծվում է և կոնսորցիումի անդամների նկատմամբ կիրառվում են պայմանագրով նախատեսված պատասխանատվության միջոցները:

9.4. կազմակերպության կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը նախարարությունը հրապարակում է իր պաշտոնական՝ [www.hti.am](http://www.hti.am) կայքում՝ նշելով հրապարակման ամսաթիվը:

Կազմակերպությունը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը սույն կետով սահմանված հրապարակվելուն հաջորդող օրվանից: Պայմանագիրը միակողմանի

լուծելու մասին ծանուցումը սույն կետում նշված կայքում հրապարակվելու օրը նախարարության կողմից ուղարկվում է նաև կազմակերպության էլեկտրոնային փոստին:

9.5. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.6. Կազմակերպության կողմից Պայմանագրով սահմանված վերջնաժամկետներում փոփոխություններ և լրացումներ կատարելու վերաբերյալ դիմումները Նախարարությանը պետք է ներկայացնել գործող վերջնաժամկետից առնվազն 10 օր առաջ: Սույն կետի խախտման դեպքում Նախարարությունն իրավունք ունի չդիտարկել կազմակերպության դիմումը:

9.7. Պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.8. Պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

## 10. Կողմերի հասցեները, բանկային վավերապայմանները և ստորագրությունները

### ՆԱԽԱՐԱՐՈՒԹՅՈՒՆ

ՀՀ բարձր տեխնոլոգիական  
արդյունաբերության նախարարություն  
ք. Երևան, Վազգեն Սարգսյան 3/3, 0010

Ֆև գործառնական վարչություն

Հ/Հ 900011039444

ՀՎՀՀ 02565518

Գլխավոր քարտուղար՝ Նարեկ Մելքումյան



### ԿԱԶՄԱԿԵՐՊՈՒԹՅՈՒՆ

«ՓԻԼԱԲՍ» ՓԲԸ


ք. Երևան, Արաբկիր, Սունդուկյան փող., 7 2.,  
բն. 88

«Ամերիաբանկ» ՓԲԸ

Հ/Հ՝ 1570051084830100

ՀՎՀՀ 00195613

Տնօրեն՝ Էմիլիա Բարթելս



**Մ Ի Զ Ո Ց Ա Ռ ՈՒ Մ Ն Ե Ր**

N	Դրամաշնորհի միջոցների հաշվին իրականացվող միջոցառման						
	Փուլի անվանում	Փուլի նկարագիր	Կազմակերպության կողմից կատարման ենթակա գործողություններ	Ակնկալվող արդյունքներ և դրանց գնահատման չափանիշներ	Միջոցառման իրականացման վերջնաժամկետ	Հաշվետվության ներկայացման ժամկետ (միջոցառման իրականացման վերջնաժամկետից հետո՝ 10 աշխատանքային օրվա ընթացքում)	Պահանջվող գումար (<< դրամ)
1	Նոր հաճախորդների ինտեգրում և սպասարկում Փուլ 1	Նոր հաճախորդների ինտեգրում և սպասարկում Փուլ 1	Հաճախորդների սպասարկման ղեկավարի կողմից նոր հաճախորդների ինտեգրում և սպասարկում	50+ բաժանորդագրված սուպերմարկետ, նոր հաճախորդների առկայություն	31.05.23	14.06.23	3,000,000
2	Նոր հաճախորդների ինտեգրում և սպասարկում Փուլ 2	Նոր հաճախորդների ինտեգրում և սպասարկում Փուլ 2	Հաճախորդների սպասարկման ղեկավարի կողմից նոր հաճախորդների ինտեգրում և սպասարկում	ևս 100+ բաժանորդագրված սուպերմարկետ, նոր հաճախորդների առկայություն	30.11.23	14.12.23	2,000,000
3	Վաճառքի ցուցահանդեսների մասնակցություն	Վաճառքի ցուցահանդեսների մասնակցություն	Կազմակերպության ղեկավար անձնակազմը կմասնակցի վաճառքի ցուցահանդեսների և կներկայացնի պրոդուկտը	Թվով երկու ոլորտային ցուցահանդեսի մասնակցություն	31.05.23	14.06.23	5,000,000
<b>Ընդամենը</b>							<b>10,000,000</b>


**ՆԱԽԱՐԱՐՈՒԹՅՈՒՆ**

ՀՀ բարձր տեխնոլոգիական արդյունաբերության նախարարություն  
ք. Երևան, Վազգեն Սարգսյան 3/3, 0010  
Ֆև գործառնական վարչություն  
Հ/Հ 900011039444  
ՀՎՀՀ 02565518  
Գլխավոր քարտուղար՝ Նարեկ Մելքոնյան



**ԿԱԶՄԱԿԵՐՊՈՒԹՅՈՒՆ**

«ՓԻԼԱԲՍ» ՓԲԸ  
ք. Երևան, Արաբկիր, Սունդուկյան փող., 7 շ.,  
քն. 88  
«Ամերիաբանկ» ՓԲԸ  
Հ/Հ 1570051084830100  
ՀՎՀՀ 00195613  
Տնօրեն՝ Էմիլիա Բարթեյա



Դրամաշնորհային հաշվետվություն N \_\_\_\_\_

**1. Ընդհանուր տեղեկատվություն**

Ծրագրի անվանում	
Դրամաշնորհի N	
Դրամաշնորհատու կազմակերպություն	
Դրամաշնորհառու կազմակերպություն	
Ծրագրի իրականացման ժամանակահատված	
Հաշվետու ժամանակահատված	
Ներկայացման օր	
Հաշվետվության պատասխանատու (անուն, ազգանուն, պաշտոն)	

**2. Բովանդակային հաշվետվություն**

2.1 Թվարկել աշխատանքային պլանով և պայմանագրի Հավելված 1-ով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

2.2 Նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը:

2.3 Նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն):

2.4 Ներկայացնել հաշվետու ժամանակահատվածում ծագած խնդիրները, որոնք խոչընդոտել են ծրագրի գործողությունների իրականացմանը:

**2.5 Թվարկել հաջորդ հաշվետու ժամանակահատվածի համար նախատեսված գործողությունները:**

**2.6 Նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:**

11.05.2023 10:00

ՎՃԱՐՄԱՆ ԺԱՄԱՆԱԿԱՅՈՒՅՑ

ՀՀ դրամ

հրավեր ով նախատ եսված չափաբ աժնի համարը	Մրցույթի պլանով նախատեսվ ած (CPV) կոդը	անվանումը	Միջոցառման													
			Կատարման դիմաց վճարումները նախատեսվում է իրականացնել 2022թ-ին՝ ըստ ամիսների, այդ թվում													
			Դրամաշն րհային ծրագիր	հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	Ընդամենը
															7,500,000	7,500,000

ՆԱԽԱՐԱՐՈՒԹՅՈՒՆ

ՀՀ բարձր տեխնոլոգիական  
 արդյունաբերության նախարարություն  
 ք. Երևան, Վազգեն Սարգսյան 3/3, 0010

ՖՆ գործառնական վարչություն

Հ/Հ՝ 900011039444

ՀՎՀՀ՝ 02565518

Գլխավոր քարտուղար՝ Նարեկ Մելքոնյան



ԿԱԶՄԱԿԵՐՊՈՒԹՅՈՒՆ

«ՓԻԼԱԲՍ» ՓԲԸ


ք. Երևան, Արաբկիր, Սունդուկյան փող., 7 2.,  
 բն. 88

«Ամերիաբանկ» ՓԲԸ

Հ/Հ՝ 1570051084830100

ՀՎՀՀ՝ 00195613

Տնօրեն՝ Էլմիրա Բարթելս



Պայմանագրի կողմ	Նախարարություն
գտնվելու վայրը _____	գտնվելու վայրը _____
հհ _____	հհ _____
հվհհ _____	հվհհ _____

**ԱԿՏ N**  
**ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ**  
**ՀԱՆՁՆՄԱՆ-ԸՆԴՈՒՆՄԱՆ**

«    » «    » 20 թ.

Պայմանագրի \_\_\_\_\_ /այսուհետ՝ \_\_\_\_\_ Պայմանագիր/ \_\_\_\_\_ անվանումը՝

Պայմանագրի կնքման ամսաթիվը՝ «    » «    » 20 թ.

Պայմանագրի համարը՝ \_\_\_\_\_

Նախարարությունը և Պայմանագրի կողմը՝ հիմք ընդունելով պայմանագրի կատարման վերաբերյալ ներկայացված ----- հաշվետվությունը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը իրականացրել է հետևյալ միջոցառումները՝

Իրականացված միջոցառման								
N	անվանումը	գործառույթի համառոտ նկարագիրը	Արդյունքը		կատարման ժամկետը		Վճարման ենթակա գումարը /հազար դրամ/	Վճարման ժամկետը /ըստ պայմանագրի/
			ըստ պայմանագրի	Փաստացի	ըստ պայմանագրի	փաստացի		

Սույն արձանագրության երկկողմ հաստատման համար հիմք հանդիսացած հաշվետվությունը հանդիսանում է սույն արձանագրության բաղկացուցիչ մասը և կցվում է:

Ծառայությունը հանձնեց

\_\_\_\_\_ ստորագրություն

\_\_\_\_\_ ազգանուն, անուն

Կ.Տ.

Ծառայությունն ընդունեց

\_\_\_\_\_ ստորագրություն

\_\_\_\_\_ ազգանուն, անուն

Կ.Տ.

### ԴՐԱՄԱՇՆՈՐՀԱՅԻՆ ԾՐԱԳԻՐ

Puzl-ը ամպային տիրույթում գործող ծրագիր է, որն օգտագործում է արհեստական բանականությունը՝ խոշոր մերչանդայզինգ ընկերություններում շաբաթական զեղչերի սահմանման պրոցեսը ավտոմատացնելու համար: Լուծումը հնարավորություն է տալիս սուպերմարկետները դարձնել շատ ավելի շահութաբեր և էականորեն խնայել մարդկային ռեսուրսները:

Արհեստական բանականությունը օգտագործում է համակարգին միացված բոլոր սուպերմարկետների տվյալները և այդպիսով կատարում մաքսիմալ որակյալ վերլուծություններ: Puzl-ն օգնում է սուպերմարկետներին հասցնել իրենց շահութաբերությունը առավելագույնի՝ օգտագործելով գնային ոչ ստանդարտ սցենարներ: Puzl-ի օգնությամբ սուպերմարկետները միշտ հասնում են իրենց շահութաբերության թիրախային ցուցանիշներին կամ գերազանցում դրանք:

Puzl ծրագրի ստեղծմամբ և զարգացմամբ զբաղվում է ՓԻԼԱԲՍ ՍՊ ընկերությունը: Puzl-ը նաև ներկայացված ԱՄՆ-ում՝ Puzl inc. ընկերության միջոցով, որի տնօրենն է Մեթ Բարթելայանը: ԱՄՆ շուկան այս պահին ընկերության առաջնային թիրախն է: Ծրագիրը ամբողջությամբ մշակվել է հայ ծրագրավորողների կողմից: Լուծման մի մասը տվել է «Ինստիգեյթ Մոբայլ» ՓԲԸ-ն, մյուս մասը Փիլաբս ընկերության ծրագրավորողները: Puzl-ից արդեն օգտվում է ԱՄՆ Woods սուպերմարկետների ցանցը: Այս պահին ինտեգրման պրոցեսում են Cosentino՝s, Harding՝s և Miller՝s սուպերմարկետների ցանցերը, ընդհանուր 74 սուպերմարկետներ:

#### Խնդիր

Puzl – ն օգնում է սուպերմարկետներին կառավարել իրենց շահութաբերությունը՝ ստանալով իրատեսական պատկեր իրենց գալիք եկամտի վերաբերյալ, ինչպես նաև պլանավորել գնային քաղաքականությունն այնպես, որպեսզի ապահովվի կայուն եկամտաբերություն: Խոշոր սուպերմարկետները իրենց գործունեության ընթացքում ունենենում են ամենաօպտիմալ մարժայի հաշվարկի խնդիր, այնպիսի մարժայի, որի դեպքում թե՛ վաճառքները կլինեն հնարավորինս շատ, թե՛ սուպերմարկետը կունենա առավելագույն շահույթ: Այդ հաշվարկը ամեն ապրանքատեսակի գծով անհրաժեշտ է լինում կատարել շաբաթական կամ ավելի հաճախակի պարբերականությամբ: Խոշոր սուպերմարկետների պարագայում այս գործընթացը պահանջում է ահռելի վերլուծությունների իրականացում, նախորդ տվյալների վերլուծություն ու կանխատեսումներ՝ յուրաքանչյուր ապրանքի գծով, և նույնիսկ ամենափորձառու մասնագետները ձեռքի աշխատանքով չեն կարող այնպիսի մարժաներ հաշվարկել, որոնց դեպքում սուպերմարկետը մշտապես շահութաբեր կլինի, քանի որ բարձր մարժայի դեպքում հանավոր է էական պակասն վաճառքները, իսկ շատ ցածրի դեպքում կարող է չծածկվեն բոլոր անհրաժեշտ ծախսերը: Ներկայումս շաբաթական զեղչերի ու զների սահմանման պրոցեսը խոշոր մերչանդայզինգ ընկերություններում կատարվում է 2-3 օրում՝ մասնագետների կողմից: Puzl-ը, օգտագործելով արհեստական բանականության լուծումներ, ավտոմատացնում է այս աշխատանքը՝ հասցնելով շաբաթական 2-3 ժամի:

#### Լուծում

Արհեստական Բանականությունը, հիմնվելով անցյալի տվյալների վրա, ինչպես նաև համակարգին միացված բոլոր սուպերմարկետների տվյալները, կատարում է վաճառքի կանխատեսումներ և առաջարկում ամենաօպտիմալ վերադիրները ու արդյունքում վաճառքների և շահութաբերության ցուցանիշներով ընկերությունը ունենում է առավելագույն շահույթի մեծություն:

Այսպիսով, Puzl-ը տալիս է մերչանդայզինգ ընկերություններին հետևյալ արժեքը.

- Գնի և զեղչային քաղաքականության որոշման պրոցեսի ավտոմատացում՝ խնայելով աշխատաժամանակ և ռեսուրսներ
- Գնի և մարժայի ավտոմատ հաշվարկ՝ հնարավորինս բարենպաստ վաճառքի և մարժայի սցենարով՝ մաքսիմալացնելով շահութաբերությունը

#### Սպառողներ

Քաղաքի կարիքը ունեն հիմնականում սուպերմարկետները, որոնք իրենց գները սահմանում են շաբաթական պարբերականությամբ, հաճախակի կիրառում են զեղչեր և ունենում մարքեթինգային արշավներ: Քաղաքի - ի հիմնական հաճախորդներն են խոշոր/միջին մերչենդայզինգ ընկերությունները՝ սուպերմարկետների ցանցերը, որոնք իրենց ամենօրյա գործառնություններում բախվում են այն խնդիրներին, որոնք լուծում է քաղաքը: Պոտենցիալ սպառողը կարող են լինել փոքր, միջին կամ խոշոր չափի սուպերմարկետները կամ սուպերմարկետների ցանցերը, որոնք հաճախ կիրառում են զեղչային շաբաթներ և ունեն ճկուն գնային քաղաքականություն:

Շրջափակի հետագա զարգացման պլաններն են բացի պարենայինից նաև այլ ընկերությունների ինտեգրացիան, ինչպիսիք են հագուստի, տեխնիկայի և այլ ապրանքների վաճառքի ընկերությունները:

Պրոդուկտի թիրախային հաճախորդները փոքր և միջին չափի սուպերմարկետների ցանցերն են: Այս պահին հիմնական թիրախային շուկան ԱՄՆ-ն է, որտեղ քաղաքի-ն արդեն գրանցել է հաջողություններ: Քաղաքի առաջին հաճախորդը Woods սուպերմարկետների ցանցն է. Վերջինիս շահութաբերությունը կրկնապատկվել է համակարգի ինտեգրացիայից հետո:

Ընկերության նպատակն է հետագայում ընդարձակել պրոդուկտի հասանելիությունը դեպի եվրոպական ու ասիական շուկաներ:

### ՆԱԽԱՐԱՐՈՒԹՅՈՒՆ

ՀՀ բարձր տեխնոլոգիական  
արդյունաբերության նախարարություն  
ք. Երևան, Վազգեն Սարգսյան 3/3, 0010  
ՖՆ գործառնական վարչություն

Հ/Հ 900011039444

ՀՎՀՀ 02565518

Գլխավոր քարտուղար՝ Նարեկ Մելքումյան



### ԿԱԶՄԱԿԵՐՊՈՒԹՅՈՒՆ

«ՓԻԼԱՐՄ» ՓԲԸ  
ք. Երևան, Արաբկիր, Սունդուկյան փող., 7 շ.,  
բն. 88

«Ամերիաբանկ» ՓԲԸ  
Հ/Հ՝ 1570051084830100

ՀՎՀՀ 00195613

Տնօրեն՝ Էլմիրա Բարթելս

